



## COMUNI DI SANT'ANTONI DI GADDURA

P.zza M. Ruzittu n. 1- 07030 Sant'Antonio di Gallura  
Settóri Silvizii Sociu-Culturali- Pubbrica Istruzioni Cultura e Spettàculu

Telefonu 079/669013 Fax 079/669388

Mail: [servizisociali@comune.santantoniodigallura.ot.it](mailto:servizisociali@comune.santantoniodigallura.ot.it)

PEC [protocollo.santantoniodigallura@pec.comunas.it](mailto:protocollo.santantoniodigallura@pec.comunas.it)

## BONUS IDRICU INTEGRATIVU - ANNUALITAI 2022 AVVISU

Si rendi nòtitu chi, in attuazioni di la Dilibbarazioni di lu Comitatu Istituzionali d'Ambitu di l'Enti di Guvelnu di l'Ambitu di la Saldigna (EGAS) n° 38 di lu 27 di sant'andria 2020, chi appróa lu Regolamentu pa' l'attribuzioni di lu Bonus Sociali Ídricu Integrativu pa' l'annu 2021 e chissi infattu, pa' l'utenti di lu Silvíziu Ídricu Integratu, illu cuntestu territoriali regionali gistutu da Abbanoa S.p.A., è statu pubblicatu lu bándiu pa' l'accansu di lu BONUS SOCIALI ÍDRICU INTEGRATIVU pa' l'annu 2022.

So ammessi a lu bonus integrativu li núclei familiari titolari di utenzii diretti o residenti in un'utenzia indiretta chi appartenini a lu tipu "Uso domestico residente" chi aggjini li tituli mintuati ill'alt.5 di lu Regolamentu EGAS e subtrattutu chi aggjini un ISEE che no sia maggiori di lu limiti di € 20.000.

Illu spizíficu, la summa di lu bonus spettanti a dugna destinatariu è gala a:

- € 25,00 pa' dugna cumpunenti di lu núcleu familiari cu' un ISEE suttu a € 9.000;

- € 20,00 pa' dugna cumpunenti di lu núcleu familiari cu' un ISEE da € 9.000 e finamenti a € 20.000.

Lu tantu di lu Bonus Ídricu Sociali Integrativu sarà postu direttamenti illa bolletta da lu gestóri ídricu Abbanoa Spa.

L'utenti di lu Silvíziu Ídricu Integratu residenti illu Comuni di Sant'Antoni di Gaddura, chi pussédini li títuli pricuntati illu bándiu, póni prisintà la dummanda di ammissioni, cumpilata comu diutu e sottuscritta, indrentu e no a chidd'ala di la dí **30 DI MAGGJU 2022**:

- a manu ill'ufficiu protocollu di lu Comuni di Sant'Antoni di Gaddura;
- pal mezu di pec a l'indirizzu [protocollo.santantoniodigallura@pec.comunas.it](mailto:protocollo.santantoniodigallura@pec.comunas.it), (in chistu casu, lu chiridórizarà ubbricatu a pussidé un indirizzu di posta elettronica ciltificata – pec) in fulmatu pdf e in unicu file ingjittendi ill'uggjettu di la mail "Domanda Bonus Sociale Idrico integrativo anno 2022";
- pal mezu raccomandata A/R indirizzata a: "Comune di Sant'Antonio di Gallura P.zza M. Ruzittu n. 1- 07030 Sant'Antonio di Gallura". Illa busta à di stà ingjittatu "Contiene: Domanda Bonus Sociale Idrico integrativo anno 2022". Pa' assigurarà di ricìli la dummanda, chista arà d'arrià primma di l'ultima scadenza, paristantu, par esse ammissa no si tenarà contu di la data di spidizioni di la stessa;
- pal mezu di pruzzidura on line dispunìbbili illu situ dedicatu [www.bonusacqua.it](http://www.bonusacqua.it).

Còpia di lu Bándiu pùbblicu e módu di dummanda podarani esse sgarrigati cullighendisi a lu situ internet di lu Comuni [www.comune.santantoniodigallura.ot.it](http://www.comune.santantoniodigallura.ot.it) oppure a lu situ [www.bonusacqua.it](http://www.bonusacqua.it)

La Risponsabili di lu Settóri socio-culturali  
Dott.ssa Viviana Pirina



Istituto Chircas



Comuni di Sant'Antoni di Gaddura



REGIONE AUTÓNOMA DE SARDIGNA  
REGIONE AUTONOMA DELLA SARDEGNA